


# Iengels

**Iengels** (*English*) is e West-Germoansche toale die oontstoan is in Angelsaksisch Iengeland en die nu de mêest gebruikte toale is ter weireld.

't Wordt os êeste toale gebruikt in verschillige soevereine stoatn lik 't Verênigd Keunienkryk, de Verênigde Stoatn, Canada, Australië, Ierland, Nieuw-Zêeland en e dêel Caraïbische landn. 't Is de derde mêest gesprookn moedertoale in de weireld, achter Mandareyn Chinees en Spoans. 't Wordt styf vele angelêerd os twidde toale en 't is 'n officiële toale van d' Europeesche Unie, van vele Commonwealthlandn, van de Verênigde Noaties (VN) en ook van vele weireldorganisoesjes.



EN (ISO 639-1)



Iengels in de weireld:

- Nationale toale of moedertoale
- Officiële toale, moa nie van de mêerderheid

Modern Iengels, soms beschreevn lik d' êeste weireldwyde *lingua franca*, is de belangrykste internationale toale vo communicoesje, weetnschap, luchtvoart, amusement, toerisme, radio, diplomatie en in de zoaknweireld. D' uutbreidieng van de toale vanof de Britsche eilandn over hêel de weireld begost tegoare met de groei van 't Brits Ryk, en an 't ende van de negentienste êeuwe was de toale echt weireldwyd verspreid. De toale is dominant in de Verênigde Stoatn en deur zyn groeiende economische en culturele invloed, en status van weireldmacht sins de Twidde Weireldoorloge, is de posiesje van de toale weireldwyd versterkt.

E goeie kennis van Iengels is e vereiste in e dêel werkgebiedn en beroepn lik geneeskunde en informatica.

## Woordnschat

D' Iengelsche toale het e styf grôte woordnschat (minimum 500.000 woordn), omda ter dikwils twi woordn zyn voe êen begrip, e Germoans en e Romoans (vôorbeeld *freedom* en *liberty*: vrydom). De Germoansche woordn wordn 't mêest gebruukt in 't doagelijks leevn, de Romoansche synoniemn in officiële geschreevn toale.

Origine van Iengelsche woordn volgens 'n ounderzoek:

- Langues d'Oïl, inclusief Frans en Oudnormandisch: 28,3%
- Latyn, inclusief modern weetnschappelik en technisch Latyn: 28,24%
- Andere germoansche toaln, inclusief Oudiengels: 25%
- Grieks: 5,32%
- Ounbekend: 4,03%
- Ofgeleid van eignnoamn: 3,28%
- Overige toaln: minder of 1%



Origine van Iengelsche woordn

## Spellienge

By d' Iengelsche spellienge is ter winnig verband tusschn uutsproake en schryfwyze. Vêertig klankn wordn ip 1120 verschillige maniern geschreevn.



Zie de Iengelsche uutgoave van Wikipedia.



Ofbeeldiengn die ier by passn ku je vien in de categorie **English language** van Wikimedia Commons.

---

Overgenomen van "<https://nl.wikipedia.org/w/index.php?title=Iengels&oldid=288880>"

---

**Boovnstoand blad es vo de latste ki veranderd om 19:43 ip 26 dec 2015.**

De tekst is beschikbaar onder de licentie Creative Commons Naamsvermelding-Gelijk delen. Er kunnen aanvullende voorwaarden van toepassing zijn. Zie de Gebruiksvoorwaarden voor meer informatie.